

Pa gruponan haya ayudo financiero nan mester a cumpli cu exigencianan di SAC

ORANJESTAD - Un parti integral di carnaval ta cu e ta musica, grupo, un combinacion di diferente factor hunto. Despues cu carnaval 59 SAC a cuminsa prepara pa esun di e aña aki. Asina nan a yega pa bati na porta di ATA, cu ken nan a sinta combersa riba diferente deliberacion. Pa e gruponan haya ayudonan financiero, nan mester a cumpli cu e exigencianan cu SAC a pidi e aña aki.

SAC ta gradici tur instancia concerni, pasobra carnaval mester di empuhe di tur hende. E gruponan den pasado a purba di wak con nan por yega na algo, manera ayudo financiero. Tecla Kelly, presidente di SAC, ta kere cu pa carnaval 60 porfin esaki a yega. Kelly ta spera cu despues di e aña aki, pa cu e siguiente carnaval un biaha mas por haya e sosten. Pero pa por haya esaki, despues di cu carnaval 60 nan lo mester sinta hunto y analisa con esaki a bay. Pa aworaki e ayudo cu SAC a haya pa cu carnaval

ta pa esun di e aña aki, y no pa di 61 cu lo ta mescos. Tur cos ta depende despues cu carnaval, y kico ATA y Minister di Cultura lo dicidi.

GRUPONAN TA PREPARA MAS TREMPAN

Presidente di SAC ta kere tur hende ta di Aruba, tur ta traha pa Aruba y purbando di mira e miho di miho pa e pais, specialmente cu carnaval unda cu tur hende ta wardando 11-11 bati. Pa e fecha aki ya caba hopi di nan ta cla caba, pasobra memey di aña hopi grupo tin nan temanan y tin un par di luga habri ainda. Esaki ta bin pasobra e gruponan ta traha debidamente, comparando cu añanan anterior caminda cu nan tabata warda pa asina cu aña bolter pa cuminsa prepara pa carnaval. Carnaval a bira grandi na Aruba, y esey ta significa cu e ta depende di hopi cos.

CONDICIONNAN

Ta importante pa e gruponan ta cu si kier a participa den

carnaval, tin condicionnan na esaki. esaki ta significa cu e gruponan mester ta inscribi na SAC y mester minimo 100 participante. Den e 100 participante no mag di pone e grupo, banda, lidernan di grupo, mayornan, pasobra esaki no ta aceptabel. Pa por participa mester tin 100 of mas participante cu ta paga pa ta den e paradanan. Pero e gruponan mester participa den e paradanan di Playa y San Nicolas, segun presidente di SAC. E grupo mester tin minimo carosa, road piece, shoulder piece pa por participa.

E gruponan mester tin un reina cu ta bay pariba y pabou, pero e reina mester participa den e eleccion di reina. No ta aceptabel pa e gruponan pone reina, y e no ta participa den eleccion. Y esaki ta conta pa prins y pancho.

INTERES PA TUMBA TEY

Pa e aña aki tumba tecla ta kere cu esaki lo bira grandi. E



interes t'ey. Tabata tin algun tumbero a haya hopi lastima cu e fecha di e festival a wordo cambia, y nan a bay bek dia 1 pasobra nan a gusta e fecha pa participa dia 15. Pero Kelly a bisa nan, cu nan mester traha hunto y esey a pone

cu tumba lo tuma luga dia 1 proximo. Esey ta pone cu pa dia 15 lo ta pa Caiso y Soca Festival. SAC ta contento y gradicido cu tur tres instancia ta hunto pa firma e memorandum of understanding (MoU). □

E firma di MoU ta pa carnaval desaroya positivo

ORANJESTAD - Durante e firma entre, ATA, Minister, musico, SAC y Departamento di Cultura, tur e partidonan tabata contento di por a haci esaki. E idea ta pa tur e partinan aki traha cu otro, pa asina por sigui engrandecere carnaval di Aruba.

"Pa nos ta un satisfaccion enorme pa forma parti di un colaboracion cu a inicia e aña aki, a base di e vision y maneho cu minister ta stipulando pa loke ta trata desaroyo cultural na Aruba," segun sr. Franklin Croes, representante di Departamento di Cultura. E ta sigui bisa, mirando e hecho di a inicia di pone mas atencion na e parti



di celebracion di dande, esaki ta un celebracion grandi di Aruba.

TOPA CU CAMBIO DRASTICO

Departamento di Cultura a topa cu e cambio drastico aki, cu tabata tin pa e mehoracion

pa loke ta trata e celebracion, unda cu mas musico y gruponan a forma nan grupo di dande incluyendo nos minister cu a haci e celebracion grandi. banda di esaki ta haya e celebracion di carnaval.

NO POR WORDO MIRA

LOS DI OTRO

Musica y carnaval no por wordo mira los di otro, pasobra nan ta forma parti integral di otro. Ta na su luga cu nan ta sinta hustamente cu e dos organisacionnan pa firma e Memorandum of Understanding (MoU) pa por colabora den un forma mas estrecho cu otro. Den pasado tabata tin colaboracion caba, pero esaki ta un inicio pa haci esaki na un manera mucho mas estructura cu ta contribui na garantisa e continuacion y desaroyo na e siguiente nivel mas halto di ambos actividad.

PARTINAN ESENCIAL

Manera cu sra. Ronella Croes

directora di ATA y Minister sr. Oduber a bisa, door cu musica y carnaval ta partinan asina esencial cu ta wordo uza como promove turismo. Pero tambe nan ta forma parti esencial di economia, cual ta mas cu husto ta den e direccion aki mester bay. Y di parti Departamento di Cultura, mirando tambe e deseo di minister pa nos ta mas visibel den comunidad, ta haci cu logicamente nos ta forma parti di e desaroyo aki. gradiciendo ATA, Minister di a acerca nan pa por forma parti di un desaroyo nobo cu ta bay duna su frutanan sigur den futuro. Y door di traha hunto lo garantisa e desaroyo positivo di carnaval. □